



FONDO SOLIDARIO, AXUDAS PARA LIBROS DE TEXTO E MATERIAL ESCOLAR CURSO 2024-2025

*ORDE do 7 de maio de 2024 pola que se regula a participación no **fondo solidario de libros de texto** e se convocan **axudas para adquirir libros de texto e material escolar** destinadas ao alumnado matriculado en educación primaria, educación secundaria obrigatoria e educación especial en centros docentes sostidos con fondos públicos para o curso escolar 2024/2025. (DOG 20 de maio de 2024)*

- A Orde integra diversas modalidades de gratuidade solidaria dos libros de texto:
 - 1ª) Fondo solidario de libros de texto en 3º e 4º de educación primaria.
 - 2ª) Axudas para adquirir libros de texto en 1º e 2º de educación primaria e en educación especial.
 - 3ª) Axudas para adquirir material escolar para alumnado de educación primaria e educación especial.
 - 4ª) O alumnado matriculado nos centros e cursos incluídos no proxecto educación dixital (E-DIXGAL) no curso 2024-2025 está excluído da participación do Fondo Solidario de libros de texto e das axudas para adquirir libros de texto. No obstante, poderán solicitar a axuda para adquirir material escolar cando reúna os requisitos establecidos na Orde.
- **Fondo solidario:**
 - a) Ao alumnado que participe no fondo solidario, asignaráselle os libros de texto correspondentes aos cursos 3º e 4º en orde inversa á renda per cápita da unidade familiar, ata que se esgoten as existencias. (Terá preferencia o alumnado en garda ou tutela da Xunta de Galicia ou cunha discapacidade igual ou superior ao 65 %, con independencia da renda)
 - b) Esgotados os libros dispoñibles no fondo solidario, o centro adquirirá os libros de texto que sexan necesarios para garantir:
 - Ao alumnado con renda per cápita familiar igual ou inferior a 6000 euros: seis libros de texto.
 - Ao alumnado con renda per cápita familiar superior a 6000 euros e igual ou inferior a 10000 euros: catro libros de texto.
 - Ao alumnado en garda ou tutela da Xunta de Galicia ou unha discapacidade igual ou superior ao 65 %: seis libros de texto con independencia da renda.
- **Axudas para adquirir libros de texto de 1º e 2º de educación primaria.**
 - Para o alumnado con renda per cápita familiar igual ou inferior a 6000 euros: 240 euros.
 - Para o alumnado con renda per cápita familiar superior a 6000 euros e igual ou inferior a 10000 euros: 160 euros.
 - Para o alumnado matriculado en EE, en centros específicos ou en unidades de EE de centros ordinarios, ou cunha discapacidade igual ou superior ao 65%: 300 euros con independencia da renda per cápita da unidade familiar.
 - Para o alumnado en garda ou tutela da Xunta de Galicia, o importe da axuda será 240 euros.
- **Alumnado con necesidades específicas de apoio educativo.**

Ao alumnado con necesidades específicas de apoio educativo matriculado en 3º, 4º, 5º e 6º de E.P., que a xuízo do centro docente, non poida usar os libros de texto ou o material dixital do curso no que estea matriculado e non existan libros adecuados no fondo solidario en ningún curso, o centro expediralle un vale co que poderá adquirir libros ou material didáctico e complementario específico que o centro docente determine en cada caso, polos importes establecidos no artigo 2.2.b) da convocatoria.
- **Axudas para material escolar.**
 - Para o alumnado con renda per cápita familiar igual ou inferior a 6000 euros: 75 euros.
 - Para o alumnado con renda per cápita familiar superior a 6.000 € e igual ou inferior a 10.000 €: 60 euros.
 - O alumnado en garda ou tutela da Xunta de Galicia, o alumnado de EE ou cunha discapacidade igual ou superior ao 65 % será beneficiario desta axuda con independencia da renda: 75 euros.
- Para o cálculo da **renda familiar:**
 - Se presentaron declaración, sumaranse os recadros 435 e 460 da declaración do IRPF do ano 2022.
 - Se non presentaron declaración, teranse en conta os ingresos de acordo cos datos tributarios facilitados pola Axencia Estatal de Administración Tributaria.
- **A renda per cápita** da unidade familiar é o resultado de dividir a renda da unidade familiar do exercicio fiscal 2022 entre o número de membros computables, tendo en conta que computarán por dous os membros

que acrediten unha discapacidade igual ou superior ao 33% ou a percepción dunha pensión da Seguridade Social por incapacidade permanente nos graos de total, absoluta ou gran invalidez, ou a equivalente de clases pasivas. A renda da unidade familiar será o resultado de sumar as rendas de cada un dos membros computables da familia que obteñan ingresos de calquera natureza, de conformidade coa normativa reguladora do imposto sobre a renda das persoas físicas.

- A **solicitud** será **única para todos os fillos admitidos no mesmo centro docente e para as tres modalidades de axuda** para o curso 2024/25.
- O **prazo de presentación** de instancias para o alumnado de educación primaria e educación especial é **do 21 de maio ao 21 de xuño de 2024**, ambos inclusive.
- **As solicitudes e a documentación complementaria presentaranse**, preferiblemente, por vía electrónica nos formularios normalizados dispoñibles na aplicación informática "Fondo Libros" (www.edu.xunta.gal/fondolibros) a través da sede electrónica da Xunta de Galicia, <https://sede.xunta.gal>.

Opcionalmente, poderanse presentar as solicitudes presencialmente nos centros docentes ou en calquera dos lugares e rexistros establecidos na normativa reguladora do procedemento administrativo común.

As instancias (ANEXOS I-II da ORDE) **poden obterse** no centro, na xefatura territorial da Consellería de Cultura, Educación e Universidade, no portal educativo no enderezo electrónico <http://www.edu.xunta.gal> e na sede electrónica da Xunta de Galicia no enderezo <https://sede.xunta.gal/>.

- **Xunto coa solicitude deberase entregar:**
 - **Copia** do libro de familia, onde figuren todos os membros da unidade familiar, a 31 de decembro de 2022.
 - Nos casos de separación ou divorcio deberán presentar **copia** da correspondente sentenza xudicial e o convenio regulador, onde conste a atribución da custodia do/a menor.
 - Excepcionalmente, cando non sexa posible facelo polos medios anteriores, poderase acreditar o nº de membros computables, presentando certificado ou volante de convivencia ou o informe dos servizos sociais do concello, no que se acredite a situación familiar.
 - No caso de discapacidade non expedida pola Administración Autonómica, deberán presentar a certificación que o acredite (**copia**).
 - Nos casos de violencia de xénero deberán presentar a documentación acreditativa. (**copia**)
 - A incapacitación xudicial con patria potestade prorrogada ou rehabilitada acreditarase coa correspondente resolución xudicial. (copia)
 - Alumnado en situación de garda ou tutela da Xunta de Galicia: copia da resolución administrativa ou xudicial xustificativa do acollemento ou do certificado do centro de menores.
 - Certificado/volante de convivencia, ou informe dos servizos sociais ou do órgano equivalente do concello, no caso de que o pai e a nai ou titor carezan de DNI e NIE.
- **O centro tramitará as solicitudes** dentro dos prazos establecidos na ORDE; unha vez estea introducida a solicitude, xerarase un vale por cada alumno ou alumna beneficiario, seguindo a orde de presentación das solicitudes.
- O **Fondo de Libros** para 3º e 4º de EP **será repartido no inicio de curso**.
- O centro **entregará os vales** para adquisición de libros de 1º e 2º de EP e para material escolar **do 8 ao 12 de xullo**, ambos inclusive.
- **Obrigas das persoas beneficiarias:**
 - 1) Devolver os libros de texto e o material reutilizable adquirido coas axudas para libros de texto ou recibido do fondo solidario no curso 2023/24 (Está excluído o beneficiario de libros de texto de 1º e 2º de EP e o alumnado de EE ou cunha discapacidade igual ou superior ao 65 %, sempre que os libros ou material non se poidan reutilizar).
 - 2) Conservar en bo estado os libros do fondo ou adquiridos coas axudas e devolvelos ao rematar o curso.
 - 3) Destinar o importe do vale para libros a adquirir os libros de texto do colexio.
 - 4) Destinar o importe do vale para material escolar que necesite.

O alumnado que finaliza 6º de E.P. deberá presentar a solicitude no centro de educación secundaria no que fose admitido.

Betanzos, 21 de maio de 2024.
O Equipo Directivo